

**S A M Þ Y K K T**

fyrir Vatnafélag Norðurár í Norðurárdalshreppi.

**1. gr.**

Félagið heitir Vatnafélag Norðurár.  
Heimili þess og varnarþing er í Norðurárdalshreppi.

**2. gr.**

Tilgangur félagsins er að vinna gegn landbroti af völdum Norðurár og þveráa hennar. Verði að því unnið skv. lögum frá 1923, vatnalögum og lögum nr. 43 26. maí 1975 um heftingu landbrots og varnir gegn ágangi vatns. Mannvirkjagerð er löglega samþykkt ef  $\frac{2}{3}$  fundarmanna á löglegum fundi í félaginu samþykkja hana.

**3. gr.**

Félagssvæðið nær til eftirtalinna landareigna, talið boðleiðis:

Hreðavatn	Sanddalstunga
Brekka	Sveinatunga
Desey	Fornihvammur
Hraunsnef	Krókur
Hvassafell	Háreksstaðir
Dalsmynni	Hóll
Klettstía	Hafþórsstaðir
Hreimsstaðir	Skarðshamrar
Dýrastaðir	Glitstaðir
Hvammur	Svartagil

Samtals 20 landareignir og fylgir eitt atkvæði hverri landareign.

**4. gr.**

Aðalfund félagsins skal halda eigi síðar en í júní ár hvert. Skal hann boðaður með minnst einnar viku fyrirvara. Fundarboðun skal fara fram bréflega eða með símskeyti. Aukafundi skal boða á sama hátt og halda, ef stjórn félagsins telur ástæðu til, eða einn þriðji félagsmanna óska þess. Fundir eru lögmatir, ef löglega er til þeirra boðað.

**5. gr.**

Stjórn félagsins skal kosin á aðalfundi. Hana skipa 3 menn og jafnmargir til vara. Stjórnarmenn skulu kosnir til 3ja ára í senn þó þannig að eftir eitt ár gangi einn aðalmaður og einn varamaður úr eftir hlutkesti og þannig áfram. Ber því árlega að kjósa einn aðalmann og einn varamann. Á aðalfundi skulu kosnir 2 endurskoðendur og tveir til vara. Kosning endurskoðenda gildir til tveggja ára. Stjórnin skiptir með sér verkum.

**6. gr.**

Reikningsár er almanaksárið. Reikningarnir séu undirritaðir af stjórn félagsins og endurskoðaðir af kjörnum endurskoðendum.

**7. gr.**

- A. Kostnaður við rekstur félagsins greiðist úr félagssjóði, sem myndaður skal með árgjöldum félagsmanna. Árgjöldin skulu ákveðin á aðalfundi ár hvert.
- B. Kostnaði landeigenda af áætlana- og mannvirkjagerð, skal jafna niður eftir mati á landi, túni og hlunnindum jarða. Stjórn félagsins semur gjaldskrá er sýni

hundraðshluta hverrar jarðar í þessum kostnaði. Gjaldskráin skal borin undir fund í félaginu og er hún bindandi fyrir alla félagsmenn ef  $\frac{2}{3}$  fundarmanna samþykkja hana. Náist ekki löglegt samþykki fyrir gjaldskrá getur stjórn og þeir félagsmenn, sem greinir á, komið sér saman um gerðardóm í málinu. Verði ekki samkomulag um gerðardóm, geta eigendur krafist mats. Kostnaður við mat greiðist af matsbeiðanda, verði gjaldskrá gagnvart viðkomandi ekki breytt eða komi til hækkunar við matið, en úr félagssjóði, ef gjaldskrá lækkar gagnvart matsbeiðanda. Hafi félagsmenn, sem greinir á um gjaldskrá ekki samþykkt gerðardóm, eða óskað eftir mati, innan 14 daga frá því að gjaldskráin var lögð fyrir fund í félaginu, tekur hún gildi.

## 8. gr.

Gjöld þau, er um ræðir í A- og B-lið 7. gr. eru lögtakskræf.

## 9. gr.

Brot félaga á samþykkt félagsins varða sektum allt að 100 000,00 kr. (hundrað þúsund krónum).

## 10. gr.

Mál út af brotum á samþykkt þessari skulu fara að hætti almennra lögreglumála.

## 11. gr.

Samþykkt þessari má aðeins breyta á aðalfundi, enda samþykki  $\frac{2}{3}$  hlutar fundarmanna breytinguna, og hennar hafi verið getið í fundarboði.

## 12. gr.

Til að slíta félaginu þarf að ræða félagsslit á tveimur aðalfundum í röð og eru þau lögmæt, ef  $\frac{3}{4}$  félagsmanna mæta á síðari fundinn og  $\frac{2}{3}$  félagsmanna samþykkja félagsslit.

## 13. gr.

Verði félaginu slitið, skulu eignir þess ávaxtaðar í Sparisjóði Mýrasýslu, Borgarнесi. Verði síðar stofnað annað félag á þessu svæði og í sama tilgangi, skulu þessar eignir renna til þess félags.

Samþykkt þessi staðfestist hér með samkvæmt vafnalögum nr. 15 20. júní 1923 til þess að öðlast gildi þegar í stað og birtist til eftirbreytni öllum, sem hlut eiga að máli.

*Landbúnaðarráðuneytið, 18. nóvember 1981.*

**Pálmi Jónsson.**

*Ragnheiður Árnadóttir.*

## REGLUGERÐ

um heimilishjálp í Stykkishólmi.

## 1. gr.

Hlutverk heimilishjónustunnar er að veita aðstoð á heimilum aðra en hjúkrun. Þjónusta þessi stendur þeim til boða sem þurfa á aðstoð að halda við heimilisstörf vegna elli, sjúkdóma, örorku, barnsburðar, slysa, dauðsfalla eða af öðrum ástæðum að tilvísan lækni eða hjúkrunarkonu eða að öðrum tilvísunum sem hreppsnefnd metur gildar.